

آبونه درائلی : هر رايچون
سنه لکي (٤٠٠) اتی ایلنی
(٢٢٥) ، ممالك اجنييه ايچون
سنه لکي (٤٥٠) ، آتی ایلنی
(٢٥٠) غروشد.

نسخه سی ٧,٥ غروشد .
سنه لکي ٥٢ عدددر .

اداره خانه : باب مالی جاده سنده
رشید افندی خاتنده

اخطارات
آبونه بدلی بشیندر .

مسلكه موافق آثار مع المنونیه
قبول اولتور . درج ایدله ن
یازیر احاده اولتماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

ایستاد

شماره ٤٠٠

آبونه سی تبدیلیشه آیرمجه
• غروش کوندر ملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالك اجنييه ايچون آبونه
اولانرك آدرس لرینك
فرانسزجه یازلسی رجا اولتور .

پاره کوندرلدیکی زمان نهیه
دائر اولدینی بیلدیرلسی
رجا اولتور

اتبعون اهدکم سبیل الرشاد

مسلمانان عرب عربی می‌در؟

معارف رکبئک علم و تاریخ مغارب با کلمه تلقینانی

چون هفته ظرفنده (آنقره) ده عتد اجتماع ایدن معلملر قونفره سنده معارف وکیلی واصل بک طنان برنطق ایراد ایدرک تورکیا جمهوریتک معلملرینه تعلیم و تربیه ده تعقیب ایده جکری استقامتہ دائر تلقینانده بولوندی . واصلت بک طرفدن ایراد اولونان آهنگدار و مهیج نطقک خلاصه الخلاصه سی شیمدی به قدر و تورکک بوتون حرتی ، هویت اصلیه سی تشکیل ایدن ملی حیاتی ، ملی وارلغی اونوتدیره رق عرب حرتی ، عرب مدنیتی حاکم قلمق غایه واساسنک تعقیب ، ایدلیدیکی بیان ایتکدر .

واصف بک طرفدن قونفرده ایراد اولونان نطقک محوری ایشه بوفکر در . بو فکری بر آز تحلیل ایتک ، اونک تمامیه یا کلش بر فکر اولدیفی اثبات ایتک ، ذره قدر بر قیمت علمیه یی حائز اولدیفی و معارف وکیلک تورک معلملرینه یا کلش تلقینانده بولوندیفی اثبات ایتک ایسترز .

بر کره تورکک عربله تماسی و بوتماس نتیجه سنده تورکک انتقال ایدن تاریخی یادکارلرک نه دن عبارت اولدیفی هیچ بر کیمسه نک مجهولی دکادر . عربک تورک ایلہ تماسی نتیجه سنده تورک مسلمان اولش و مسلمانلقدہ ثابت قدم قالمشدر . واصل بکک تورکی آزن عرب حرتی ، عرب مدنیتی موضوع بحث ایتمه سنه مبنی ، مقصدی هراحتله افاده ایدن کلملر قوللانماسنه رغماً ، نه دیمک ایسته دیکی ، تورکک حرتی و هویت اصلیه سی تضیق ایدن عوامل اولارق کوسترلمک ایسته نیلن شیئک نه اولدیفی آکلاشمقده در . ایشه واصل بکک الک بویوک خطاسی بوراده در . واصل بکک بوادعاسی تدقیقات علمیه و تاریخیه سنک نقضانه ، تورکک روحی و هویت اصلیه سی اکلایه مامسنه دلالت ایدیور .

واصف بک شونقطه دن غفلت ایدیور که هر هانکی بر دین ، آره سنده انتشار ایتدیکی قومک روحنه او یغون کلمسه او قوم آره سنده پایدار اولاماز . بالعکس هر هانکی قوم آره سنده انتشار ایتش اولان بر دین ، کردباد اعصاره رغماً ، پایدار قالمشسه بو حال ، دینک تمامیه او قومک روحنه او یغون اولدیفنک الک بارز بر دلیلدر . چونکه مقدس وزیم ، جلال و حرام کی بر طاقم اعتقادات و احکام وضع و تأسیس ایدن دین ، ملی روحه او یغون اولمادقچه حن انتشار و استمراری ده اولاماز . لکن دین هر هانکی بر قوم آره سنده منتشر و مستمر بولیورسه حکم ایتلیدر که اودین بو قومک روحنه توافقی ایتشد . بناء علیه او قومک فطری دینیدر . بو حقیقت بک بدیهی ایکن مسلمانلغه (عرب حرتی) ، (عرب

حال حاضرده وضعیت بومرکزده در . بوکا قارشی ناصل بر چاره حل بولوناجنی مراق ایلہ بیکله نلکه سزادر .

(نایمس) دن آلدیفمز ، بو معلومات بو کون فرانسه نک یکیدن بر دین و دولت مجادله سی قارشیسندنه بولوندیفنی کوسترمکده در . (آلزاس - لورن) ک فرانسه یه عودت ایتمه سی ، فرانسه نک (آلزاس لورن) فی استرداد ایچون یاردیم عصر پرورده ایتدیکی تحسری متعاقب ایکی هجرازده نک آغوش باغوش صارلقلری زمان آرده بویله درین و صوغیجی بر اختلافک تحدی کیم بیلیر نه یه منجر اولاجق ، فکرلرده نه آجی ایزلر براقه جق ، قیلرده نه مدھش جریجملر آچاجق ، بالخاصه (آلزاس لورن) لیلرده نه مؤلم عکس العمللره سببیت ویره جکدر ا شیه یوقدر که فرانسلر آلزاس لورنده فرانسلر قوانینک کافه سی تطبیقه چالیشه جقلر و بوسورتله وحدت تشریعی یی تحقق ایتدیره جکلدر . فقط بونک نتیجه سی دین و دولت آره سندنه ، بلکه (آلزاس لورن) محیطی آشرق بوتون فرانسه ده عکسلر یاه جق ، او یوان بر چوق عواملی او یاندیره جق بر مجادله نک ظهوریدر .

بو کی مجادله لرک حیات ملیه ده تولید ایده جکی صارسینتیلر ، وجوده کتیره جکی رخنلر ، موضوع بحث ایدلمک بیلہ شایان اولمایه جق درجه ده آشکاردر . فرانسه نک بنیه سی بو کی ترزللره بلکه متحملدر . شوقدر وار که بزم مجددلر من فرانسلر استادلرینک ولته سلوک ایتدکلرندن اولانلرک محضول تجربیه سی و حیات ملیه لرینک مولودی اولان فکری عیاً قبول ایتمکله تجدد یولنه کیرلش اولاجغنی ظن ایتدکلرندن بزم صحه حیاتزده ده بو کی مجادله لرک وقوعه سببیت ویریورلر . حال بو که فرانسلر بنیه سنه ، فرانسلر تاریخنه ، فرانسلر حیاتنه ، فرانسلر محیطنه ، الحاصل فرانسلرلک بوتون سجایا و عناصرینه کوره دوشونیلن و تطبیق ایدیلن تدابیر ایلہ بزم بنیه سزه توافقی ایده جک تدابیر آره سندنه اساسی برفرق اولق لازم کلیر . فرانسلرلک آیاقلرینی طولاشدیران ، روحنک انکشافنه مانع اولان اسباب ایلہ بزم سیر ترقیمزی تعویق ایدن ، روحزی او یوشدیران اسباب عینی دکادر . حقیقی اسباب انحطاطمزی بولارق اولنرله مجادله ایتمکله تجدد طریقته کیرمک ممکن اولاجنی دوشونوله جک و بر اساس قوم اولارق قبول ایدیله جک اولورسه اوزمان اسباب انحطاط اولدقلری قطعاً تعین ایتمین ، و هیچ بر کیمسه طرفدن ایلہ اولدقلری اثبات ایدلمین اساسات و مؤسسات ایلہ مجادله نک ، انحطاطی آنجق تربید و صرف ایدیلن فعالیتلری هدر ایتمکدن باشقه بر نتیجه ویرمیه جکی محققدر .

مدینتی) کبی اسمار طاقیه قالدیشمق قدر علمه وتاریخه قارشى بر حقارت اوله ماز . بر کره تورکک روحيله مسلمانلق آره سنده تضاد دکل ، صیقى بر آهنگ و وفاق واردر .

تاریخ کوستریورکه مسلمانلق عربستانده طوغمش اولدینی حالده حزماتنه مشتاق وجدانلری تورکستانده بولمشدرد .

تورکک اسلامیتی وجدانلریک عصرلرجه اوزله دیکی بر معشوقه کبی استقبال ایتمش ، بوکونه قدرده بوتلقی ده دوام ایلشردرد .

تورانک واسع یایلالری ، پایانسز استپلری ، براق و ییلدیزلی کیجه لری ، آلتون طاغلریک معظم شاهقه لری ، کچیدسز اورمانلری عصرلردنبری تورکک روحنه علوی و خفی سانجه لر ترتیل ایدیور ، اونى خلقتک حضور عظمتنده عشق عبودیتله تیره تیور ، کندیسندره درین بر میل وحدت او یاندیریوردی .

تورکک نه بودا مذهبک او بوشدیریمچی آیدنلرینه ، نه آتش پرستلکک ثنایت تلقین ایدن عنعنلرینه ، نه ده شامانیلرک ابتدائی افسونلرینه ربط قلب ایده میورلردی . بالعکس ، روحلرینه عظمت ، قانلرینه جولان ، نفسلرینه شهامت وحشمت ، محیطلرینک یوکسک الهاماتنه شدت ویره جک بر دین آریورلردی .

تورکک مادی دوشونیور ، مادی یاشیور ، عمرینی حرب وجدال میدانلرنده کچیریوردی . بر (سومنات) ک قاپوسی اوکنده بونی بوکله ک مسکینه نه کونلرجه بکله مک ، بر (آتشکده) نک دیوارلری دینده ذیلانه آیلرجه ایکله مک ، بر هندلینک ، بر ایرانلینک یاپه بیله جکی بر ایشدی . فقط اک بیوک ذوقی جوللرده ، اووالرده ، آت اوستنده دولاشمقدن ، سدرامی اولمق ایسته یینلرله چارپیشمقدن عبارت اولان تورکک وجد واستغراق حیانتدن بر شی آکلامیوردی .

هنده ، ایرانده طبیعتک عواطف بی پایانی ایجه غرق اولان انسانلر ، چارپیشمقدن ، چالیشمقدن کینه بیلوردی . فقط اورتیه آسیا استپلرنده یاشایان خلق ، ئوله مک ایچون دیدنمکه ، قوشمه نه ، چارپیشمه مجبور ایدی .

تورکک روحی زنکین و معتدل اقلیملرک اسطوره لر طوغوران تلقیناتنه بیکانه ایدی . او ، ایستیوردی که دینی ، وطنک سیاسی قدر براق ، حیانتک کذارشی نسبتنده ساده ، یایلاسنک یوکسکلکی قدر بلند اولسون !

سهایوست طاغلر ، پایانسز اوولر ، نهایتسز چوللر ، کیجه لرک صمت و سکونی ایچنده بارلدايان اوزاق ییلدیزلر ، تورکک روحنده کیزلی حسلر او یاندیرمشلردی . تورکک ، فکرینی یوکسکله جک ، قوتلی طمارلرنده قوشان قانه شدید بر جولان ویره جک ، دینچ و کورپوز عضله لرینی ایشلته جک بر دین ایسته یوردی .

اسلامیت ماوراءالنهر اقلرندن لمعانه باشلانجه تورکک روحنی تطمین ایده جک حزمه لری طانیش ، ئوزله دیکی معشوقه وجدانی بولمشدی . هبرتك (۹۴) نجی سنه سنده (بخارا) ده ایلک جامع انشا اولدینی زمان ، تورکک قلبک آیده ایمانی رکز ایدلمش اولدی . تورکک ، فوج فوج دائرة اسلامه کیرمکه باشلادیلر . هبرتك ۳۴۹ - ۳۵۰ تاریخنده ایدی که اوچ میلیون متجاوز تورکک (سالور خان) ایله برابر برکون ایچنده دائرة اسلامه کیردیلر .

کرچه ایلک زمانلرده ، اسلامیت ماوراءالنهرده آز چوق مقاومت کورمشدی . فقط بونک سببی اموی قوماندانلرندن بعضیلرینک شدتلی حرکتلری ایدی .

فقط ، وقتا که تورکک اسلامیتده حاکم و محکوم عنصرلر اوله میه جغنی آکلادیلر . وقتا که دین نشرینی جزیه تحصیلنه ترجیح ایدن قوماندانلر کوندردی . اوکوندن اعتباراً تورکک ، بیوک برشوقله آغوش اسلامه آتیلده باشلادیلر . حتی تورکستانده ، نشر دین وظیفه سی ، ده اول اسلامی قبول ایتمش اولان تورکک امراسی طرفندن درعه ده ایدلدی . بالنسبه پک آز زمان طرفنده تورککک همان کافه سی دین اسلامه کیرمش اولدیلر .

چونکه اسلامیت ، تورکک روحنه مونس ، هم ده اویفون گلشدی . تورکک ، دین احمدی ده ، وجدان ملیسی انکشاف ایتدیره جک اساسلر کورمش ، عرف ملیسی مؤید نصوص بولمشدی .

تورکک روحی وحدتچی ، تشکیلاتی ولایت عامه اساسنه مستند ایدی . اسلامیت ده عینی اصولی تعلیم ایدیوردی . تورکک (ایل) جی ایدی . مسلمانلقده وحدت امتی امر ایدیوردی .

تورکک فطرتاً عسکر ایدی . مسلمانلق ده جهادی اساسات دینه صره نه ادخال ایتشدی . تورکک طبعاً جوانمرد ، بیکسلره قارشى مشفق و لطفکار ایدی . اسلامیت ده زکاتی ارکان دیندن صایوردی .

خلاصه تورکک فطری دینی اسلامیتده بولمش ، اسلامیت ده تورکک احتیاجات روحیه سی تطمین ایتمش ، اونى بردنبره یوکسکلمش ، تاریخک اک احتشاملی محیظه لرنده اوکا بر موقع ممتاز قازاندیرمشدر .

اسلامیتک ، عرب روحنک مولودی و عربلره مخصوص بر دین ، یعنی عرب حرثی و عرب مدینتک محصولی اولدینی ادعای قدر معناسز و اساسسز بر دعوا اوله من . عرب عرفلریله اسلامیت پرنسپلرینی قارشولاشدیرمش اولانلر آره سنده بویله بر ادعاده بولنه جق بر فرد حقیقه من . فقط ، هر ایکیسندن ده بی خبر اولانلر ، آغزلینه کافی سویله یه بیلورلر .

عربلرک ملی روحلری عشیرتچی ایدی . حالبوکه اسلامیت بوروحه کلیاً ضد اولان وحدت اساسنی قورمشدر . تاریخ کوستریورکه ،

تورکک فطری دینی اسلامیت حقیقه در . تورک حقیقی اسلامیت مربوط قالدیقه ، متصل تعالی ایش اولدیغنه تاریخدن بویوک شاهد آرامغه لزوم وارمیدر ؟ تورکی ثولدرن ، سقوط ایتدیرن اسلامیت دکل ، اسلامیتدن اوزاقلاشمه سیدر .

ظن ایدرز که بوسطرلر معاف وکیلی واصف بکک معلمین قونفره سینه یاکلش تلقیناتده بولوندیغنی اثباته کافیدر . چوق امید ایدرز که وکیل بکده تصحیح فکر ایدر ونسل آتی بی یتشدیره جک معلملرک یاکلش بر یوله کیتهمسنی تأمین ایلرلر .

مدرس لره دایر

خریوت طلبه علمونک استرمامانی

خریوط سخن طلبه سی طرفدن اداره خانه مزه کوندریلشددر :
۱۸ نیسان ۳۳۰ تاریخنده بز ، خریوت سخن طلبه سی معارف وکالت جلیله سینه شو تلغرافی چکمشدک :

« حاکمیت ملیه منک تمثال بی مثالی اولان بویوک ملت مجلسی قراریله بوندن ایکی سنه مقدم بوراده سخن مدرسه سی آچیلشدی . لسان اجنبی ایله برابر علوم وفنون عیدیه بی احقوا ایدن پروگرامنک ترقیات عصریه به موافق اولدیغنی دیده ابتهاجه عکس ایتکله احتیاجات علمی ملیه منری تأمیننه کافی کلن بو میوه مصادفدن ذوقیاب علم و ادب اولنی کندیمزه بر وجیهه دینی اولارقی تلقی ایلدیگمزدن طقوز منفلی ملنی دارالخلافه بی متعاقب بومدرسه به جان آتمشدق . مهم ومنور غایه کوزمه تهرک اون بر سنه لک حیات شبانمزی فدا ایلدیگمزه حالده شیمدی امتحان عمومی به قریب برزمانده لغو ایدلسی که جکلمیزی صاردیفندن حرب عمومی ومجاهده ملیه منک شدائدندن منبت فقر و ضرورت وسائر کبی مانع لر نظر اعتباره آله رقی مقدرات علمی منک آمین وبارلاق بر ساحه ده تجلیسته دلالت وعنايت عرفانوریلرینک بی دریغ بوبورلسیله تمادی فالشمزه میدان ویرله سی معروضدر . »

توحید تدریسات قانونه استناداً معارف وکیلی بکک کمال خواهشله مداومی بولوندیغمز سخن مدرسه سنی سنه تدریسیه ایچنده لغو ایتسنی متعاقب ساحه تنویردن حفره ظلمته دوشن بز یچاره لره قبلریمزک الک درین وجزین کوشه لرندن یوکسه له ن فریادلریمزی ، صدای استمدادلریمزی بر درلو مشارالیهک سامعه عدل انصافنه ایصاله موفق اولامادق . اون سنه لک قیمتدار دوره شبانمزی فدا ایتدیگمزد مذکور مؤسسه مقدسه منک سدیله منتسین علمی دن اولمقدن بشقه کناهمز اولدیغنی حالده بر سوری شان مملکتک حیات تحصیلیه سینه خاتمه چکیلیمک کبی بر حقسزلغه قربان ایدلک . اکمال تحصیل ایچون توالی ایدن مراجعتلریمزه ولو ردأ اولسون بر جواب آلامادق . احوال مذکور وکیل بکک نظر طایلرنجه بلا سبب دفتر ملتدن سیلیندیگمزه جلی بر دلیل ایسه ده دیتک ، ملتک ، وطنک خدمتدن بشقه بروظنه

اسلامیتک یوکسک مبادیسی ، عربلرده کی عشیرتچیلک روحنه غلبه جالیدیغنی دورلرده ، عربلر یک وجود بر کتله آهین حالده ایران ایچریلرینه ، آفریقا جوللرینه ، اندلس کلنلرینه قدر صوقولش ، ظفردن ظفره قوشمش ، علماً ، عرفاناً یوکسلدیگه یوکسلمشلردی .

فقط ، وقتا که جاعلیه دورینک عشیرتچیلک روحی اسلامک وحدتچیلک و حکومتچیلک تلقیناتنه غلبه ایتدی ، وقتا که عربلر ماده حاکم اولدقلری ایرانلره روحاً محکوم اولدیلر ، وقتا که ایران ملیت پرورلری منقرض ساسانیان سلطنتک اعاده سی ایچون اسلامیق ایران خرافاتنه بوغمق مهارتنی کوستره بیلدیلر ، سوریه ، بیزانس ، مصر ... ذهنیتی اسلام نجابتی چوروتدی . اوکوندن اعتباراً حقیقی مسلمانلغک عربلرده انکشاف ایتدیردیکی سجیه لر ، تدریجاً سونمکه یوز طوتدی .

اسلامیت ، عربلرده انکشاف ایتدیردیکی اصیل سجیه لری ، تورکلرده ده نالاندیرمشدی تورکلر اسلامیتک بلند اساسلریله قارشولاشدیغنی زمان بونلرک عصرلردنبری اوزله دیکی شیلر اولدقلرینی آکلادی . همان آغوش وحدته آتیلدی .

تورک روحی خرافه دار بر عقیده ایله انکشاف ایدمزمزدی . او روح ، شهامت ، ساده لکه ، نجابت مفتوندی . تورکلرک اهل سنت مذهبی قبول ومدافعه سنی درعه ده ایش اولملرینک سببی بو نقطه ده آراملی در .

تورکک طبعاً دیندار اولسنی بر نقیصه کبی کوسترمک ایسته ینلر ، بو سجیه منک جمعیت روابطنی تأمین خصوصنده حائز اولدیغنی اهمیت تقدیر ایدمیه ورلر دیگدر . ثوت ، تورکک طبعاً دینداردر . روحنه اویغون کان دین مینه صوک درجه ربط قلب ایدر . فقط ، بر ملیت ایچون بو حال ، بر نقیصه دکل ، بر مزیت در . بوسجیه بی ثولدریمکه دکل ، انکشاف ایتدیریمکه چالیشمق ایجاب ایدر .

دیندارلق سجیه سی ، عجیبا (آنفلو ساقسون) و (جرمان) عرقلرنده تورکلردن داها آزمی قوتلی در ؛ انگلیز و آلمان ملتلرینک نمایلات روحیه لری ، سجیه لری ، فضیلتکار اعتیادلری ، عنعنه پرستلک لری ، عالمه حیاتلری تدقیق ایدیلیرسه ، دیندارلق سجیه منک بونلرده نه قدر قوتلی و تربیتکار تأثیراتی حائز اولدیغنی یک قولای سجیه بیلور .

اسلامیت ، صاف وعلوی اساسلریله عربلر کبی تورککده نجیب سجیه لرینی تربیه ایش ، فضیلتکار مزیتلرینک انکشافنی تأمین ایلشدی . غزنه ، خوارزم ، سلجوق ، طولون ، آخشید ، دانشمند ، اتابک ... و آناطولی تورکلرینک ایلاک دورلرده کوستردکلری علوی سجیه لر ، حیرت بخش شهامت لر ، بلند فضیلتلر ، روحلرینه اویغون اولان صاف مسلمانلغک اثری اولدیغنده شبهه یوقدر .